



Adriatic Metals

Eastern Mining

INVESTICIJA GODINE

Kompanija Adriatic Metals / Eastern Mining d.o.o. Vareš dobitnik je priznanja „Investicija godine“ u Bosni i Hercegovini. Priznanje je uručeno generalnom direktoru kompanije Paulu Croninu na konferenciji „100 najvećih u BiH i regiji“, koja je u organizaciji Poslovne novine d.o.o., bonitetne agencije LRC BIS i LRC Inkasso, članice LRC Group uz suorganizaciju Vanjskotrgovinske komore BiH, održana 21. i 22. septembra u Međugorju.

„Smatram ovu nagradu priznanjem našeg napornog rada u vođenju rudarske industrije u BiH u 21. vijeku i primjeni najboljih svjetskih standarda i novih tehnologija. Ovo je, također, priznanje naše posvećenosti postavljanju trendova kad je riječ o obavljanju posla uz puno poštivanje okoline u kojoj radimo i živimo. Posljednje, no ne i manje važno, ponosni smo i na odnos koji smo uspostavili sa građanima Vareša i odlučni da im pomognemo u daljem razvoju lokalne zajednice“ izjavio je Paul Cronin, generalni direktor Eastern Mining-a.



AKCIJE I RADIONICE „BIODIVERZITET NA PODRUČJU OPĆINE VAREŠ“

Kako bi se ublažio uticaj i zaštitio biodiverzitet akcionim planom određene su posebne mјere koje se poduzimaju i provode prije, tokom i nakon projekta. Temeljni cilj plana jest da projekat dugoročno ne utiče na gubitak biodiverziteta nego da provođenjem mјera postigne dobit biodiverziteta.

Da kompanija ulaže napore u očuvanje okoliša najbolje pokazuju održane akcije, akcije čišćenja i pošumljavanja. Također da bi se podignula ekološka svijest u mладима s prof. dr. Šefketom Goletićem održana je radionica sa osnovnoškolcima na temu "Biodiverzitet na općini Vareš"

Sa djecom je održana edukativna prezentacija u nastavnim učionicama, zatim održan praktični dio u prirodi gdje su imali priliku pobliže da se upoznaju sa biljnim i životinjskim svijetom iz svoje okoline.



U mjesecu martu održane su dvije akcije, pošumljavanje na Planinici i čišćenje dijela regionalnog puta Vareš-Breza u saradnji sa "Odredom Izviđača Zvijezda Vareš" i mnogih drugih nevladinih organizacija koji djeluju na području Općine Vareš.

Kontinuirana suradnja sa Odredom izviđača Zvijezda Vareš, omogućila nam je da zajedničkim snagama nastavimo rad na očuvanju prirodne sredine, a kako se kompanija Eastern Mining obvezala da će zbog izgradnje puta kompenzirati izgubljene livade održana je akcija čišćenja i restauracije prethodno utvrđena akcionim planom degradiranih i zapuštenih planinskih livada.



ODRŽANA PRVA KONSTITUIRAJUĆA SJEDNICA U NOVOM SAZIVU PLC-A

U srijedu 09.11.2022. održana je prva, konstituirajuća sjednica novog saziva Odbora za odnose sa lokalnom zajednicom Eastern Mining-a. Cilj Odbora ostao je isti kao u prethodnom sazivu, a to jest da omogući lokalnom stanovništvu da izrazi svoja mišljenja i stavove, da informira o projektu i njegovim aktivnostima, te da se ostvari što bolja suradnja sa lokalnom zajednicom. Nakon kratkog predstavljanja menadžmenta Eastern Mining-a, a prema dnevnom redu prve sjednice, za predsjednicu Odbora je jednoglasno izabrana gđa Jasmina Šijak, a za zamjenika gđin. Andrej Malbašić i gđa. Nihada Gondžo. Odbor broji 22 člana iz najznačajnijih institucija, predstavnike mjesnih zajednica na koje projekat ima utjecaj te predstavnike nevladinih organizacija koje djeluju na području općine Vareš. Također u želji ostvarenja dobrosusjedskih odnosa, Odboru je pristupio i predstavnik javnog poduzeća Vodokom Kakanj, koji djeluju na općini Kakanj. Uloga Odbora za odnose sa lokalnom zajednicom je jako dobro prihvaćena od strane članova Odbora te ih ohrabruje transparentnost i otvorenost koju kompanija pruža lokalnoj zajednici.



INTERVJU SA ADISOM LIKIĆ

Prije svega da Vas pozdravim i zahvalim što ste pristali na intervju u sklopu projekta „Living History Project“ kompanije Eastern Mining. Za početak recite nam nešto više o sebi.

Zovem se Adisa Likić. Dolazim iz sela Stupni Do. Od rođenja pa sve do sada tu živim. Majka sam dvoje djece, supruga, domaćica, predsjednica Udruženja žena za ruralni razvoj, održivi povratak, reintegraciju i resocijalizaciju povratnika „Zvijezda“ Vareš.

Možete li nam reći koji je bio Vaš prvi posao?

Moj prvi posao bio je na mjestu trgovca, a pošto je unazad petnaest godina bilo pojma naći posao, odlučila sam biti domaćica i okrenula sam se svom gazdinstvu odnosno preradi i poljoprivredi.

Kada ste spomenuli Vaše udruženje, možete li nam reći s kojim ciljem je osnovano?

Udruženje je osnovano 2013. godine od strane nezaposlenih žena koje su imale inovativne ideje, ali ne i priliku za samostalnu produkciju i razvoj. Udruživanjem smo postale vidljivije i uspjele ostvariti bolji plasman na tržištu. Svaka članica nečime se bavi, da li se radi o plasteničkim proizvodima, da li je jagodičasto voće, uzgoj životinja, prerada mlijeka i tako dalje.

"Moja djeca su se vratila u Vareš tako da bi voljela da još malo ima mladosti u Varešu i da se ljudi vrate. Da smo malo življi, da gradimo neku novu priču u našem gradu."

Gđa. Adisa Likić



Gdje prodajete svoje proizvode?

U Varešu imamo stalne mušterije. To je pijačni dan subotom i povremene narudžbe. Naše proizvode smo najviše plasirale po sajmovima i narudžbama po Sarajevu. Isporuka je išla po potrebi. Malo nas je korona virus zaustavio, ali evo opet je krenulo sa sajmovima i idemo na diplomatski bazar gdje imamo dobru prepoznatljivost duži niz godina.

Kada pogledate na život nekada i sada na području Općine Vareš, možete li napraviti neko poređenje, kako je Vareš izgledao na vrhuncu svoje moći?

Za vrijeme rada rudnika olova, cinka i barita gdje je radio moj otac, ja sam bila dijete. Prema prenesenim pričama ljudi su tada bili zadovoljni standardom života i poslovnim prilikama u Varešu. Jedina mana koje se sjećam kao dijete iz tog perioda jest narandžasta boja rijeke Stavnje.

Šta mislite, da li će i kakav će uticaj otvaranje novog rudnika, uticati na Vaše udruženje?

Znate, ja sam inače u životu optimista i ako sada pogledam sve ovo, mislim da bi uticaj trebao biti pozitivan. Naše udruženje ima odličnu saradnju i sa Općinom Vareš, kao i vašom kompanijom. Tako da mislim da će i moje udruženje, ali i cijela općina Vareš doživjeti ponovni procvat, kakav je nekad imala.

Za kraj našeg razgovora, imate li neku poruku za mlade ljude?

Naravno da imam. Živite, volite se, koliko god možete da ostanete u Varešu. Moja djeca su se vratila u Vareš tako da bi voljela da još malo ima mladosti u Varešu i da se ljudi vrate. Da smo malo življi, da gradimo neku novu priču u našem gradu.

Hvala Vam puno na izdvojenom vremenu.

Hvala Vama i Eastern Mining-u na pruženoj prilici i saradnji.

@easternmining

S V I M A V A M A I V A Š I M
P O R O D I C A M A Ž E L I M O

srećne nadolazeće praznike!

